

LIBRO A PANGIWANWAN ITI

PANANGISURO

LIBRO A PANGIWANWAN ITI

PANANGISURO

Ti Simbaan
ni Jesucristo dagiti Santo iti Ud-udina nga Aldaw
Siudad ti Salt Lake, Utah

© 2001 ti Intellectual Reserve, Inc.
Nailatang amin a karbengan
Naimaldit iti Estados Unidos ti America
Pannakaanamongna iti Ingles: 3/01
Pannakaanamongna a maipatarus: 3/01
Pannakaipatarus ti *Teaching Guidebook*
Ilokano

Dagiti Linaonna

Pakauna	1
Isaganam ti Bagim a Naespirituan	3
Mangisuro a kas iti Panangisuro ni Jesus	6
Agaramat iti Nadumaduma a Wagas iti Panangisuro	12
Isaganam ti Adalem	17
Awatem dagiti Sursuruam	21
Dagiti Gunggona ti Panangisuro	23
Panangimaton iti Panangpalaing iti Mannursuro iti Sanga	25
Balabala para iti Panangisuro iti Kursu ti Ebanghelio	28
Pananggun-od kadagiti Material ti Simbaan ken Panagsapul iti Impormasion iti Pakasaritaan ti Kaamaan	31

Pannakaiwaras

Maaramat ti *Libro a Pangiwawanwan iti Panangisuro* a kadua ti kangrunaan a kurikulum ken makatulongto pay kadagiti mannursuro ken dadduma pay a kameng kadagiti unit a mangar-aramat iti naan-anay wenno kumpleto a kurikulum ti Simbaan (kitaen ti *Information for Priesthood and Auxiliary Leaders on Curriculum* [36363 864]) Makatulong daytoy a libro a pangiwawanwan kadagiti kameng a mangpalaing iti panangisuroda iti pagtaengan ken kadagiti gunglo ti Simbaan. Masapul nga umawat ti tunggal mannursuro iti kopia; mabalina a matakuatan ti dadaulo ti tunggal kaamaan a makatulong pay daytoy.

Pakauna

Naisangrat daytoy a libro a pangiwawanwan a para kadagiti nagannak, dadaulo, ken mannursuro. Mabalín daytoy nga aramaten a kas paset ti bukod a panagkagumaan tapno lumaming a kas mannursuro. No awan ti magun-od a *Teacher Development Basic Course* [Pangrugian a Kurso iti Panangpalaing iti Panangisuro] mabalín daytoy nga aramaten a pagibatayan para iti kurso a panangisuro iti Ebanghelio ken kadagiti taripnong iti pangpalaing iti mannursuro (kitaen ti panid 26–27).

Insuro ti Apo:

“Ken itedko kadakayo ti bilin nga isuroyo iti tunggal maysa ti doktrina ti pagarian.

“Mangisurokayo a sireregta ket tarabayennakayo ti paraburko, tapno ad-adda a naan-anay ti pannakaiwanwanyo iti kapanunotan, iti doktrina, iti paglintergan ti ebanghelio, iti amin a banag a mainaig iti pagarian ti Dios, a nasken a maawatanyo” (DkK 88:77–78).



Nasken nga agbalin ti pagtaengan a kangrunaan a lugar a pakaaramidan

iti daytoy. Matulongan ti pagtaengan babaen ti panangisuro ken panagsursuro a maar-aramid iti Simbaan.

Addaantayo amin kadagiti pagrebbe- ngan a kas mannursuro kadagitoy a lugar ken kadagiti kaarruba ken kapulpulapoltayo iti inaldaw a panagbiag. Mangisurotayo kas nagannak, annak a lallaki, annak a babbai, as-sawa, kakabsat a lallaki, ken kakabsat a babbai. Mangisurotayo a kas dadaulo ti Simbaan, mannursuro iti siled a pagadalan, mannursuro iti pagtaengan, ken sumarsarungkar a mannursuro. Mangisurotayo pay kas katrabahuan, kaarruba, ken gagayyem. No dadduma mangisurotayo babaen dagiti banag nga isaotayo ken ti pammaneknek nga iburaytayo, ken ad-adda a masansan a mangisurotayo babaen ti pagwadan.

Iti igid ti Baybay ti Galilea, binilín ti nagungar nga Apo ni Pedro, “Pakanem ti karnerok” (Juan 21:16–17). Kasapulan ti awag a mangisuro a taraonantayo dagiti kararua ti dadduma kadagiti kinapudno ti ebanghelio ket iti kasta mangiturong kadakuada iti Mangisalakan (kitaen ti Moroni 6:4). Panunotenyo ti akem a panangisuro iti ebanghelio iti pannakaisalakan dagiti annak ti Nailangitan nga Ama. Makapanunotkayo kadi iti maysa a pagrebbe ngan a nataktak- neng wenno nasagsagrado?

No maysakayo a naganak wenno kaaw-awag a mannursuro, mabalín a maseknankayo unay maipapan

iti daytoy a pagrebbengan.
Laglagipenyoy a nakasagana ti Apo a tumulong kadakayo. Inkarina a no agpakumbabatayo ken maaddaan iti pammati, “aramidennanto a napigsa [kadatayo] dagiti nakapsut a banag” (Ether 12:27). Iti panagkagumaantayo a lumaing a kas mannursuro, masur-

suruantayo babaen kadagiti padpadas nga adda kadatayo ken dagiti paglaingan a pinadur-astayo iti panagbiagtayo. Umadunto dagiti kabaellantayo bayat ti panagsagantayo a nasayaat, panangpadas a mangpapigsa kadagiti sursuruantayo, ken agtalek iti Apo.

Isaganam ti Bagim a Naespirituan



No isaganam ti bagim a naespirituan, iwanwan ken tulongannaka ti Espiritu, wenko ti Espiritu Santo iti panangisuro. Kasapulan ti Espiritu Santo tapno maisuro dagiti pagbatayan ken kinapudno ti ebanghelio. Kinuna ti Apo, “Ket maitedto kadakayo ti Espiritu babaen ti kararag ti pammati; ket no diyo maawat ti Espiritu saankayo a mangisuro” (DkK 42:14). Makatulongto kenka dagiti sumaganad a singasing nga agsagana a mangisuro nga addaan pannarabay ti Espiritu Santo.

Matudinganka

No maawaganka a mangisuro, nas-ken a matudingan ken maikkanka iti naisangsangayan a bendision babaen dagiti dadaulom ti kinasaserdote.

Daytoy a bendision ti mangtulongto kenka a mangipatungpal iti akemmo. Bayat ti panangaramidmo iti amin a kabaalam nga agserbi iti akemmo a mangisuro, padur-asento ti Apo ti kabaalam a mangaring kadagiti dadduma para iti pagsayaatan. Ikkannakanto pay iti nayon a kabaalam malaksid iti bukodmo a talento ken kabaalam no kasapulan.



Kalikagumam a Gun-oden ti Pannarabay ti Espiritu Santo


Kalikagumam a gun-oden ti Espiritu Santo bayat ti panangisuro. Makatulong daytoy kenka a makaawat kadagiti kasapulan dagiti sursuruam ken mangisagana kadagiti adalen a mangipaay kadagita a kasapulan. Paluknengenna ti pusom ken isaganana ti panunotmo nga umawat iti nayon a pammaregta ken pannarabay.

Agkararagka a Masansan

Agkararagka a masansan ket dawatem iti Apo a bendisionannaka bayat ti panagadal ken panagsaganam. No dadduma, mabalinmo nga inayon ti panagayuno kadagiti kararagmo. Agkararagka tapno maawatam ken maipategmo dagiti tao a sursuruam. Sursuruem a bigbigen ken surotan dagiti pannignay ti Espiritu Santo nga umayto kenka.

Adalem dagiti Nasantuan a Kasuratan

Adalem a sikakararag dagiti nasantuan a kasuratan. No aramidem, masursurom ti maipapan iti Mangisalakan ket dumuras ti pannakaammom iti kinapudno. Tulongannaka ti Espiritu Santo a mangawat kadagiti nasantuan a ka-



suratan ken mangammo no kasano a maipakatda kadagiti kasapulan dagiti kameng ti klase wenna kameng ti kaamaan. Babaen ti panangnayon iti kararag ken panagayuno iti panagadalmo iti nasantuan a kasuratan, mapatibker ket matarabaynaka ti Espiritu Santo iti panangisurom.

Tungpalem ti Ebanghelio

Tungpalem dagiti pannursuro ti ebanghelio iti amin a kabaelam. Agbabawika kadagiti sigud a nagbasolam. Bayat ti panangaramidmo kadagito a banag, makaawatkanto iti pigsak ken pannakaawat. Ti kappia ken ragsak a mariknam gapu iti panagkagumaanmo nga agtungpal iti ebanghelio ket maipakitanto kadagiti dadduma. Mariknadanto ti kinapudno ti pamma-neknekmo ken ti bileg ti panagkumitmo. Maiwanwandanto babaen ti pagwadan ti biagmo.

Maysa a mannursuro ti addaan iti narikut a kanito a nangrikna iti Espiritu Santo bayat ti panangisaganana iti adalenna. Bayat ti panagkararagna para iti tulong, naamirisna nga adda gura iti pusona iti maysa a kaarrubana a naraggas unay kenkuana. Sipapakumbaba nga indawatna iti Apo a pakawanenna isuna. Iti simmaruno nga aldaw sinarungkaranna ti kaarrubana ket nagpakawan gapu iti saan a nasayaat a riknana kenkuana. Nagbalinda a nasinged iti kaarrubana, ket nagun-odna manen ti panarabay ti Espiritu Santo.

Agpakumbabaka

Makatulong kenka ti panagpakumbaba a mangliklik iti sulisog a manggun-od iti pasnek para iti bagim wenno agpannuray unay iti bukodmo nga ammo wenno talentom. Maipakitam ti panagpakumbaba babaen ti panangsurotmo iti balakad iti Proverbio 3:5-6: "Agtalekka ken ni

Jehova iti amin a pusom, ket dika agtalged iti pannakaawatmo laeng. Kadagiti amin a dalanmo isu ti bigbigem ket isu iturongnanto dagiti desdesmo." Insuero ti Apo, "Agpakumbabaka; ket kibirinnakanto nga iturong ti Apo a Diosmo, ket itdennanto kenka ti sungbat dagiti kararagmo" (DkK 112:10).

Mangisuro a kas iti Panangisuro ni Jesus



Ipategmo dagiti Sursuruam

Bayat ti panagbiagna iti daga, impakita ti Mangisalakana ti naindaklan nga ayat ken pannakaawatna iti tunggal tao. Sinuruanna dagiti napanglaw, dagiti nabaknang, dagiti napapanaw, ken dagiti managbasol. Insuronatayo nga ayatentayo ti tunggal maysa ken agtinnulong. Kinunana, “Maysa a bilin a baro ti itdek kadakayo, tapno agiinna-yatkayo iti maysa ken maysa; kas iti panagayatko kadakayo, kasta met aginnayatkayo iti maysa ken maysa” (Juan 13:34). Bayat ti panangipakitatayo iti ayat kadagiti sursuruntayo, agbalinda a napasasnek maipapan iti agnanayon a kinapategda, ad-adda nga essemanda ti panagsursuro, ken ad-adda a nakasaganada nga umawat iti Espiritu.

Ti panagbalin a mannursuro iti ebanghelio kaipapananna ti ad-adda pay ngem iti panangidatag iti adalen iti tunggal lawas. Kaipapananna pay ti panangasikaso kadagiti kameng ti klasesem. Ikagumaanam ti mangammo iti tunggal maysa kadakuada a kas tao. Daytoy ti mangtulungto kenka a mangisuro a nasamsamay kadakuada.



Mabalin a kasapulanda ti tulongmo no adda parikutda, no saanda a tumartaripnong, wenna no adda dagiti pagkuranganda. Laglagipem ti pangngarig ti Mangisalakana maipapan iti maysa a napukaw a karnero (kitaen ti Lucas 15:3–6).

Maysa a mannursuro ti maysa nga ubing a manmano a tumaripnong iti klase ti nakarikna a tunggal kanito a kasaona ti kaamaan ti ubing bayat ti lawas, adda isuna iti simbaan iti sumaruno a Domingo. Inkagumaanna a kinasao dagiti nagannak a masansan ken dinakamatna ti pammategna iti anakda. Sinukonna pay ti ubing manipud iti pagadalan iti naminsan nga aldaw a kaadda dagiti nagannak iti pagtrabahuanda tapno saanna a malib-tawan ti maysa nga aramiden iti klase.

Kas mannursuro, makaaramidka pay iti ad-adu tapno makasinninged dagiti kameng ken matulongam ida nga agtalinaed a napasurot iti ebanghelio. Napateg unay daytoy kadagiti baro a kameng. Kanayon a tulongam ida a mangrikna a maawatda. Agsapul kadagiti gundaway a pakiramananda iti klase. Isaganam ti bagim a mangisuro kadagiti kinapudno ti ebanghelio babaen ti Espiritu ken addaan ayat.

Isuro dagiti Kangrunaan a Kinapudno ti Ebanghelio

Insuro ti Mangisalakana dagiti kinapudno ti ebanghelio. Inyunay-unayna dagiti umuna a pagbatayan ken ordinansa ti ebanghelio—pammati, panag-

babawi, panagbuniag, ken panangawat iti Espiritu Santo. Sinursuruannatayo nga agayat ken agserbi iti tunggal maysa. Insurona ti maipapan iti kinasaserdote, dagiti katulagan, ken dagiti ordinansa, ken maipapan kadagiti amin a nasken a maammuan ken aramidentayo tapno umasideg Kenkuana. Nasken met nga isurotayo ti ebanghelio kas naipalgak kadagiti nasantuan a kasuratan ken dagiti balikas dagiti propeta iti ud-udina nga aldaw. Saan a maikanatad dagiti topiko a mainaig iti lubong, bukod a kapanunotan, ken pannursuro a mainaig iti teoria wenna pagsisinnupiatan.

Insuro ti Mangisalakana dagiti kinapudno ti ebanghelio iti nalaka a wagas. Inaramatna ti nalawag ken maawatan a pagsasao, dagiti estoria ken pagarigan manipud iti inaldaw a panagbiag. Nairaman kadagiti adalenna dagiti adu a gagangay a padas a maawatan dagiti tao. Dinakamatna ti maipapan iti panangsapul iti napukaw a karnero, panangbirok iti pirak, ken panagrag-sak gapu iti panagsubli ti nayaw-awan nga anak a lalaki (kitaen ti Lucas 15).

Masansan a nagadaw ti Mangisalakana kadagiti nasantuan a kasuratan bayat ti panangisurona. Iturongmo dagiti sursuruam iti masansan a panangaramatda kadagiti nasantuan a kasuratan bayat ti adalen. Tulongam ida a mangawat a dagiti tao iti nasantuan a kasuratan ket pudno a tattao a nakapadas kadagiti pannubok ken ragrag-sak iti panagkagumaanda nga agserbi iti Apo. Agdamag kadagiti saludsod a pakasapulan dagiti sursuruam a

mangbirok kadagiti sungbat kadagiti nasantuan a kasuratan. Allukoyem dagiti kameng nga agadal iti pagtaengan, ket ipakitam kadagiti sursuruam no kasano a mapagbalin a nasamay daya a panagadal. Isuro kadakuada no kasano ti mangaramat kadagiti tulong iti panagadal iti nasantuan a kasuratan. Mangted kadagiti naituding nga aramiden a pakasapulan dagiti kameng ti klase a mangsukisok kadagiti nasantuan a kasuratan ken balikas dagiti propeta iti ud-udina nga aldaw.

Mangisuro babaen ti Espiritu

Nasken a kalikaguman dagiti manursuro a maaddaan iti Espiritu ti Apo no mangisuroda. Mabalina a mangisuro ti maysa a tao kadagiti nalawag a kinapudno, ken mabalina a makiraman dagiti kameng ti klase kadagiti makaparegta a panaglilinnawag, ngem malaksid no adda ti Espiritu, saan a sibibileg a makaawis iti imatang dagitoy a banag iti kararua. No adda ti Espiritu, mapatibker ti amin iti ayatda iti Nailangitan nga Ama ken ni Jesucristo, iti ayatda para iti tunggal maysa, ken iti panagkumitda nga agtungpal iti ebanghelio. Sumaganad dagiti sumagmamano a banag a maaramidmo tapno maawis ti Espiritu iti panangisuro:

- Mangrugi babaen ti kararag.
- Mangisuro manipud kadagiti nasantuan a kasuratan ken balikas dagiti propeta iti ud-udina nga aldaw.

- Iburaymo ti pammaneknekmo.
- Ibinglay dagiti padas ket awisen dagiti dadduma nga aramidenda met ti kasta.
- Agaramat iti musika (kitaen ti panid 13–14).
- Ipakitam ti panagayatmo iti Apo ken iti dadduma.

No insaganam a nasayaat ti bagim, lawlawagan ken tarabayennakanto ti Espiritu Santo bayat ti panangisuro. Mabalina a makaawatkanto kadagiti impresion maipapan kadagiti sursuruam ken no ania ti nasken a yunayunaymo iti panangisuro kadakuada. Mabalina a makaawatkanto kadagiti kapanunotan ken rikna maipapan no kasano ti kasamayan a panangisuro kadakuada. Dumur-asto dagiti napasnek a panagkagumaanmo bayat ti sipapakumbaba a panagtungpalmoo kadagiti pannignay ti Espiritu. Kabaalamto pay a tulongan dagiti sursuruam a makabigbig iti pangaring ti Espiritu.

Yawis ti Napasnek a Panagsursuro

Kinuna ti Apo, “Sukisokenyo dagiti kasayaatan a libro ti nainsiriban a balikas; agadalkayo, uray pay ti panagadal ken kasta met ti pammati” (DkK 88:118). Pagrebbengan ti tunggal kameng a manggun-od iti panna-kaammo iti kinapudno babaen dagiti bukodna a panagkagumaan. Pagrebbengan ti maysa a mannursuro a mangiriing kadagiti dadduma



iti tarigagay nga agadal, umawat, ken agtungpal iti ebanghelio. Tapno maipatungpal daytoy a pagrebbe- ngan, mabalinmo nga ipamaysa da- giti tallo a banag:

1. Riingen ken pagtalinaeden ti essem dagiti sursuruam. Ti tulbek iti panangaramid iti daytoy ket ti bukodmo a kinapasnek iti panagadal iti ebanghelio. Ti sabali pay ket ti panangaramatmo kadagiti wagas iti panangisuro a mangaramid a nalawag, makaay-ayo, ken nalaka a malagip dagiti adalen (kitaen ti panid 12–16). Napateg unay ti panangringing iti essem iti rugi ti adalen. Bayat ti panangplanom iti panangisurrom, agsapul kadagiti wagas a pangawis iti Espiritu, gun-odem ti pasnek ti tunggal maysa babaen ti makaay-ayo a panangirugi, ken ipamaysa iti doktrina wenno pagbatayan a maisuro iti adalen.
2. Yallukoy ti pannakiraman. Agplano kadagiti wagas a pakairamanan ti tunggal maysa kadagiti adalenyoy. Mabalin a kiddawem iti maysa a tao a basaenna ti maysa nga adaw

a sao wenno nasantuan a kasuratan wenno mangisalaysay iti estoria. Mabalinmo nga awisen ida a mangsungbat kadagiti saludsod ken siwawaya a mangilawlawag iti banag nga adalen. Mabalin a kiddawem iti maysa wenno ad-adu pay a tao a mangkanta iti kanta wenno mangtokar iti maysa nga instrumento. Mabalinmo a pilien a sikakararang ti maysa a tao tapno mangiburay iti pammaneknek wenno mangibinglay iti bukod a padas a mainaig iti adalen a topiko. No dadduma nas- ken a kiddawem daytoy a pannaki- raman a nasapsapa tapno dagiti kiniddawmo a makiraman ket ma- kapagsanay ken makarikna a nagin-awa ti pannakiramanda.

Ti kangrunaan a kapanunotan ti adalen ti maysa a mannursuro ket ti pateg ti panagbasa iti Libro ni Mormon. Inawisna dagiti agtutubo iti klasena a mangpanunot iti maysa a binatang iti nasantuan a ka- suratan a namagbaliw iti panag- biagda. Kalpasanna inawisna ti tallo wenno uppat a nagboluntario a tumakder ken mangibinglay ka- dagiti binatang iti nasantuan a kasu- ratan iti klase ken mangiladawan no kasano a nabaliwan dagiti bina- tog ti panagbiagda. Bayat ti pana- ngibinglay ti tunggal tao kadagiti makaay-ayo a riknada maipapan iti bileg ti Libro ni Mormon, nakagun- od dagiti kameng ti klase iti nasged a tarigagay a mangbasa ken ma- ngutob iti inaldaw kadagiti nasan- tuan a kasuratan.

Agkedked a makiraman dagiti daduma a tao. Saanmo a kiddawen kadagiti tao nga agbasa iti napigsa wenno agkararag ayingga a masinunuum a mariknada a paggugus-toda nga aramiden daytoy. No adda panagduadua maipapan iti kina-tallugod ti tao a makiraman, agkid-daw kadagiti agboluntario a saan ketdi nga agawag iti maysa a tao a mabalin nga agkedked. Kaaduan nga agsursuro ket in-inut a makasursuronto a makarikna a paggugus-toda ti makiraman no makitada a dagiti makiraman ket matrato nga addaan panagraem ken panangdayaw.

3. Tulongam ida a mangipakat iti masursuroda. Nasken met a tulongam dagiti agsursuro a mangipakat no ania ti masursuro kadagiti pasamak iti biagda. Mabalin nga iraman daytoy ti panangted kadagiti naituding nga aramiden ken karit a mangtulong kadagiti kameng ti klase a maddaan kadagiti padas a mangted sursuro kadagiti kinapudno a maisuro. Laglagipen a ti panagsursuro iti ebanghelio ket awan ti kaes-essanna malaksid no agbalin daytoy a panagtungpal iti ebanghelio.

Mangparnuay iti Makaayo a Pagsursuruan

Ti kasayaatan nga aglawlaw para iti panagsursuro iti ebanghelio ket maysa a banag tapno ti tunggal tao a tumaripnong ket maseknan maipapan iti panagsursuro dagiti dadduma

a kameng ti ragup. Dumur-as ti tari-gagay a makasursuro no agpipinnatag dagiti mannursuro ken agsursuro ken agtitinnulongda nga umawat ken agtungpal iti ebanghelio. No sika ken dagiti sursuruam ket sangkamaysa nga agrabaho a mangparnuay iti nasayaat ken makaayo nga aglawlaw a pagsursuruan, basbassit a mapasamak dagiti makasinga. Nasken nga aramidem amin a kabaalam tapno maparnuay ti kasta nga aglawlaw ken tapno matulongan dagiti sursuruam a mangammo no kasano a makatulongda iti daytoy.

Sumaganad ti sumagmamano a banag a maaramidmo tapno makatulong a mangparnuay iti makaayo a pagsursuruan:

- Sumangpet a nasapa nga adda amin dagiti nasken a kasapulan ken ramit iti panangisuro.
- Penken a ti siled ti klase ket nadalus, naurnos, makaliwliwa, ken nawaya manipud kadagiti makasinga no mabalin.



- Rugian ken gibusan iti naituding nga oras.
- Kablaawan ken padayawan a sag-gaysa dagiti kameng ti klase, no mabalin.
- Aramiden dagiti banag a pangawis iti Espiritu ken mangyallukoy iti panagraem ken panagdayaw.
- Ayaten dagiti kameng ti klase ken tulongan ida a makarikna iti gin-awa iti pannakiraman.
- Agdamag kadagiti saludsod a makatulong kadagiti kameng ti klase a mangipamaysa iti topiko.
- Allukoyen dagiti kameng ti klase a dumngeg iti tunggal maysa nga ad- daan respeto ken pannakaawat.
- Agannad kadagiti saritaan a maba- lin a makadadael wenno mangpa- kapsut kadagiti pammaneknek wenno mabalin a makaigapu iti ipapanaw iti Espiritu.

Uray pay kalpasan a naaramidmon ti amin a kabaalam a mangparnuay iti makaay-ayo a pagsursuruan, mabalin a makasarangetka pay kadagiti su- magmamano a karit. Mabalin a maka- tulong dagiti sumaganad a singasing a mangrisut iti sumagmamano a ga- gangay a karit ken parikut:

- No rumsua dagiti makasinga, agsar- deng nga agsarita agingga a maa- wismo ti imatang ti tunggal maysa. Kalpasanna ituloymo ti adalen.
- No makisarsarita ti sumagmamano nga indibidual iti tunggal maysa iti oras ti klase, kasaom iti nalimed ida kalpasan ti klase ket saludsodem kadakuada no ania ti maaramidmo ken maaramidda tapno maaramid a naballigian ti panagklase.
- No adda mangrimbaw iti panaglilin- nawag iti klase, iturong dagiti salud- sod iti dadduma pay a kameng ti klase wenno sidadayaw nga isinga- sing a kayatmo ti dumngeg kadagiti saan pay a nakiraman.
- No agkomentario dagiti kameng ti klase a mangyaw-awan iti panagli- linnawag manipud iti topiko nga adalen, awatem ida ngem iturong ti panaglilinnawag nga agsubli iti to- piko nga adalen.

Bumassit ti makasinga a tignay bayat ti panangsapulmo kadagiti wagas para iti tunggal tao iti ragup tapno makarikna a maipatpateg ken maa- watda ken tapno makiramanda a si- baballigi.

Agaramat iti Nadumaduma a Wagas iti Panangisuro



Adu dagiti banag a maaramidmo tapno mapagbalinmo a makaay-ayo dagiti adalen a maidatag ken tapno matulongam dagiti kameng ti klase a mangsursuro kadagiti kinapudno ti ebanghelio. Sumaganad dagiti sumagammano a singasing:

Agaramat kadagiti Estoria ken Pagarigan

Dagiti estoria ken pagarigan ti mangriing ken mangpatalinaed iti essem dagiti tao ken mangpakita no kasano a maipakat dagiti pagbatayan ti ebanghelio iti inaldaw a panagbiag.

Masarakam dagiti adu a napipintas nga estoria kadagiti nasantuan a kasuratan ken iti pagbasaam ti mannursuro. Sakbay ti adalem, adalem ti

tunggal estoria a planuem nga aramaten. Sanayem nga isalaysay daytoy nga aramatem dagiti bukodmo a balikas. Ad-addanto a dumngeg ti klasesem no isalaysaymo ti estoria kadagiti bukodmo a balikas, a saan a basaen daytoy. Kasta met a paggugusto dagiti in-inaudi nga ubbing a yakem dagiti estoria.

Maysa a mannursuro iti Primaria ti kanayon a mangirugi iti adalenna babaen ti estoria manipud kadagiti nasantuan a kasuratan. Kas pagarigan, no maipapan iti kinamanangngaasi ti adalen nga isurona, insalaysayna ti maipapan iti naimbag a Samaritano. Mailadawan dagiti ubbing iti panunotda ti lalaki a natakawan ken dagiti lallaki a nakaimatang ken nagdardaras a pimmanaw. Naawis ti imatangda iti kinamanang-

ngaasi ken kinatakneng ti Samaritano a nangasikaso iti nasugatan a lalaki. Pinadpadaanan dagiti ubbing dagitoy nga estoria. Nasursuro ti mannursuro nga aramaten ti timek ken ti bukodna a balikas tapno agtalinaaed ti kinapasnek ti klasena. Nagbalin nga ad-adu ti ammo ken naes-essem dagiti kameng ti klase kadagiti nasantuan a kasuratan.

Agaramat kadagiti Ladawan ken Banag

Masansan nga inaramat ti Mangisalakan dagiti simple a banag bayat ti panangisurona. Inaramatna ti trigo, darat, batbato, ken dadduma pay nga ammo a banag a pangtulong kadagiti tao a mangawat no ania ti isursurona. Kas pagarigan, inyarigna ti pagarian ti Dios iti maysa a gameng a napalalo ti kadakkelna ta ti maysa a tao ket mailakona ti amin nga adda kenkuana tapno magunodna daytoy (kitaen ti Mateo 13:44).

Kumitaka iti aglawlawmo. Ania dagiti gagangay a banag a maaramatmo a pangtulong kadagiti kameng ti klase a makaawat a nasaysayaat kadagiti pagbatayan ti ebanghelio?



Mabalin a kayatmo nga aramaten dagiti simple a drowing ken ladawan a pangiladawan kadagiti pagbatayan ti ebanghelio. Ipakitam ti maysa a ladawan manipud iti Pakete ti Ladawan ti Arte ti Ebanghelio bayat ti panangisaysaymo iti estoria iti nasantuan a kasuratan. Agdrowing kadagiti simple a ladawan iti pisarra wenno iti maysa a panid ti papel a mamagbalin nga ad-adda a makaay-ayo ti estoria.

Maysa a mannursuro ti mangmangted iti adalen a maibatay iti pangngarig ni Jesus maipapan iti trigo ken ruot a sisana. Nagnaed iti disso a katalalonan dagiti kameng ti klase, isu nga ammo ti mannursuro a maawataanda a mabalin a madadael dagiti babassit a mula a trigo babaen ti nasapa unay a panangikkat kadagiti ruot. Nangisagana iti bassit a reppet ti sangsanga ti trigo a nailaok kadagiti ruot. Imparangna daytoy a reppet iti unos ti adalen.

Sabali pay a mannursuro ti nangallukoy kadagiti kameng ti klase a mangpanunot iti maysa a banag a mabalinda a yarig iti panagbabawi. Insingasing ti maysa a kameng ti klase a mayarig ti panagbabawi iti sabon, iti dayta madalusannatayo daytoy manipud iti basbasoltayo.

Agaramat iti Musika

Ti musika ket maysa a napintas unay a wagas a pangawis iti Espiritu ti Apo kadagiti adalenyoy. Tulongannatayo ti musika a mangyebkas kadagiti rikna a narigat a maipekna babaen ti maisao a balikas.



Isuro dagiti himno ti Simbaan ti adu a pagbatayan ti ebanghelio ken mabalin nga aramaten iti dandani amin nga adalen. Mabalinmo nga awisen ti maysa a tao, maysa a ragup, wenno ti sangakaamaan wenno sangaklase a mangkanta iti maysa a himno a mainaig iti adalen. Mabalinmo met a basaen dagiti balikas ti maysa a himno iti napigsa bayat ti panangtokar ti maysa a tao iti kompaniarna. Wenno mabalinmo a patugtogen ti maysa a rekording ti maysa a himno.

Insagana ti maysa a mannursuro ti adalen maipapan iti serbisio. Nangpili iti maysa a himno a pangtulong iti kangrunaan a kapanunotan. Bayat ti adalen, impabasana iti maysa a kabsat a babai dagiti balikas daytoy a himno bayat ti panangdayyeng ti sabali iti tono. Inawisna ti klase a siuulimek a mangutob kadagiti balikas bayat ti pannakaibasada. Nakatulong daytoy a musika kadagiti kameng ti klase a nangrikna iti nabilbileg maipapan iti kinapateng ti serbisio.

Agdamag kadagiti Saludsod a Mangawis iti Naannad a Panagpanunot ken Mangparnuay iti Panaglilinnawag



Mangyallukoy iti managpanunot a panagsursuro ken panaglilinnawag iti adalenyto ti panagdamag kadagiti umno a saludsod. Makatulong iti adu a wagas dagiti saludsod ken panaglilinnawag. Makatulong dagitoy kadagiti kameng ti klase nga agtalinaed a napasnek bayat iti adalen. Mabalinmo a maammuan no maawatan met laeng dagiti kameng ti klase ti adalen. Makapagsisinnuro iti tunggal maysa dagiti kameng ti klase bayat ti panagsungbat ken panangilawlawagda kadagiti saludsod. Masursuroda no kasano a yaramat iti bukodda a biag dagiti pagbatayan ti ebanghelio.

Bayat ti panangisaganam kadagiti adalen, ikeddengmo no ania dagiti saludsod a damagemto. Mabalin a makatulong kenka dagiti sumaganad a singasing.

- Agdamagka kadagiti saludsod a mangtulong kadagiti kameng ti klase a mangpanunot maipapan iti pagbatayan ti ebanghelio ken no kasano nga ipakatda daytoy iti biagda. Masansan a mairugi dagiti makatukay iti panunot a saludsod iti “apay?” wenna “kasano?” Nasken a liklikam dagiti saludsod a masungbatan laeng iti “wen” wenna “saan” wenna ania man a maysa-a-balikas a sungbat.

Kas pagarigan, iti panangisuro iti maysa nga adalen maipapan iti panangipamaysa iti biagtayo iti Mangisalakan, mabalin nga agdamagka kadagiti saludsod a kas kadagiti sumaganad:

“Ania ti kayat a sawen ti agbangon iti bato ni Cristo?”

“Ania dagiti pamuon malaksid iti bato ni Cristo a pangbangonan dagiti tao no dadduma iti biagda?”

“Kasano ti pannakabendisionyo bayat ti panangbangonyo iti biagyo iti bato ni Cristo?”

- Agdamagka kadagiti saludsod a mangallukoy kadagiti kameng ti klase a mangibinglay kadagiti bukodda a kapanunotan ken padas. Kas pagarigan:

“Apay a bilinennatayo ti Apo nga agkararag a kanayon?”

“Kasano a sinungbatanna dagiti kararagyo?”

- Agdamagka kadagiti saludsod a mangtulong kadagiti kameng ti

klase a mangipakat kadagiti pagbatayan ti ebanghelio iti biagda. Kas pagarigan:

“Kasano a maisaganatayo a nasaysayaat ti bagbagitayo nga umawat iti sungbat dagiti kararagyo?”

“Kasano a naammuanyo a ni Jesucristo ti Mangisalakan iti lubong?”

“Kasano a mapatibkeryo ti pamma-neknekyo a maysa a propeta ti Dios ni Joseph Smith?”

No agdamag kenka ti maysa a tao iti saludsod a masungbatan, idawatmo kadagiti kameng ti klase a tulongandaka a mangsungbat iti daytoy, wenna ibagam iti tao a sapulemto ti sungbat iti sumaruno a gundaway.

Saanmo a pakaseknan no naulimek dagiti kameng ti klase iti sumagma-mano a kanito kalpasan ti panagdama-magmo iti saludsod. Gagangay a kasapulanda ti oras nga agpanunot kadagiti isungbatda. Nupay kasta, no kasla saanda a maawatan ti saludsod, mabalin a kasapulam nga uliten manen daytoy. No agsaludsodka iti maysa a tao, makatulong nga awagam nga umuna babaen ti naganna ket kalpasanna agsaludsodka.

Kamaudiananna, agannad a saan a gibusan ti nasayaat a panaglilinnawag tapno maidatag ti amin a kasapulan nga insaganam. Ti kasapulan ket marikna dagiti kameng ti pangaring ti Espiritu, manayonan ti pannakaawatda iti ebanghelyo, masursuroda nga ipakat ti pagbatayan ti ebanghelio

iti biada, ken mapapigsa ti panagku-
mitda a mangtungpal iti ebanghelio.

Agawiska kadagiti **Naisangsangayan a Sangaili**

Mabalin a sagpaminsan nga agawiska
iti naisangsangayan a sangaili nga
umay iti klasem. Mabalin a dawatem
iti maysa a maikari a kameng ti
Simbaan a mangted iti padamag, ma-
ngibinglay iti estoria, wenno mangibu-
ray iti pammaneknek. Pakaammuam a
nasapsapa daytoy a tao no mano nga
oras ti nasken nga aramatenna iti pa-
nangidatagna. Mangala iti pammalu-
bos ti obispo wenno presidenteyo iti
sanga sakbay a mangawiska iti maysa
a sangaili nga agindeg iti ruar ti purok
wenno sangayo.


Nangawis ti maysa a presidente ti
korum dagiti elder iti sabali pay a ka-
meng nga umay ken ibagana kadagiti
elder maipapan kadagiti wagas a ma-

magbalin a makaay-ayo dagiti mensa-
heda iti panangisuro iti pagtaengan
kadagiti ubbing a sinarungkaranda.
Saan laeng a nakagun-od dagiti elder
iti baro a pannakaammo maipapan
no apay a kasapulan dagiti ubbing ti
makiraman bayat dagiti isasarungkar
a panangisuro iti pagtaengan, ngem
nakaawatda pay iti adu a singasing a
maipapan no kasano a matulongan a
makiraman dagiti ubbing.

Agaramat kadagiti Aramiden

Dagiti simple nga aramiden a mai-
naig iti adalen ket makatulong kada-
giti kameng ti klase, nangnangruna
kadagiti ubbing ken agtutubo, a ma-
kasursuro kadagiti pagbatayan ti
ebanghelio. Nasken a maibagay da-
giti kasta nga aramiden para iti pa-
nagsursuro iti ebanghelio. Iraman ti
adu nga adalen a pagbasaan a pinar-
nuay ti Simbaan dagiti singasing para
kadagiti aramiden.

Isaganam ti Adalem



Nasken nga isaganam a nasayaat dagiti adalen nga isurom tapno maightagmo dagiti pagbatayan ti ebanghelio iti kasamayan. Makatulong kenka nga agsagana dagiti sumaganad a singsasing.

Ammuem dagiti Pagadawan

Siaannad ti Simbaan a nangisagana kadagiti naanamongan a material iti kurikulum a maibatay kadagiti nasantuan a kasuratan ken pannursuro dagiti propeta iti ud-udina nga aldaw. Saludsodem iti dadaulom iti kinasaserdote wenno katulongan a gunglo no adda a sidadaan dagiti sumaganad a pagadawan tapno aramatem:

- Kopia dagiti nasantuan a kasuratan para kadagiti kameng ti klasem
 - Dagiti magasin ti Simbaan a naglaon kadagiti pannursuro dagiti propeta iti ud-udina nga aldaw
 - Dagiti tulong ti panagadal iti nasantuan a kasuratan a sidadaan a magun-od iti pagsasaoyo
- Maysa a pagbasaan ti mannursuro nga impablaak ti Simbaan para iti klasem



- Maysa a set dagiti ladawan a maa-wagan iti Pakete ti Ladawan ti Arte ti Ebanghelio a nasken nga adda iti biblioteka ti balay a pagtataripnonganyo.

Kitaem dagiti banag a mabalina a gun-oden tapno makapagplanoka nga aramatem dagitoy kadagiti adalem. Saanmo a masapul nga ilawlawag dagiti kasapulan tapno agbalinka a nasamay a mannursuro. Insuro ni Cristo dagiti adu nga adalen kadagiti nanumo nga aglawlaw. Ti Espiritu ti kapatgan a pangaring iti panangisuro. Ti mayannatup a panangaramat kadagiti pagadawan iti panangisuro a buyogan ti pannarabay ti Espiritu ket mangyallukoy iti kaindaklan a kabaelan para iti panagsursuro iti ebanghelio.

Irugim ti Agsagana a Nasapsapa

Isaganam a nasapa dagiti adalem. Masansan a makatulong a mangirugi iti panangbasa kadagiti adalen iti sumagmamano a lawas sakbay ti panangisuro kadagitoy. Daytoy ti mangpalugod iti oras para kenka tapno panunoten ken ikararagam dagiti topiko nga adalen ken tapno makapagsaganaka a nasayaat.

Ipamaysam ti Panggep ti Adalen

Nasken nga adda panggep ti tunggal adalen nga isurom. Kas pagarigan, ti panggep ti maysa nga adalen maipapan iti panagayuno ket mabalina a

tapno matulongan dagiti kameng ti klase a mangawat kadagiti bendision ti panagayuno wenno ti kinapateg ti panagayuno para iti naisangayan a panggep iti Domingo a panagayuno. Nasken a dagiti panangidatag ken panaglilinnawag iti adalen ket maipamaysa iti panggep.

Tapno maikeddeng ti panggep ti adalen, adalen ti banag nga adalen ken ti karagpinna a nasantuan a kasuratan. Idawat iti Apo a tulongannaka nga umawat kadagiti kapatgan a mensahe manipud iti daytoy nga adalen para kadagiti tao nga isurom. Saludsodem iti bagim, “Ania ti nasken a mapasamak iti biag dagiti isursurok kas bunga daytoy nga adalen?” Adu nga adalen kadagiti pagbasaan a pinartuat ti Simbaan ti naglaon kadagiti palawag a panggep. Makatulong kenka dagitoy a palawag a panggep a mangikeddeng no kasano nga aringan ti tunggal adalen dagiti sursuruam.

Ikeddengmo no Ania ti Isurom

Kalpasan ti panangikeddengmo iti panggep ti adalen, ikeddeng no ania dagiti pagbatayan a nasken a maisuro tapno maipatungpal dayta a panggep. Kaadduan a pagbasaan ti nakairamanan dagiti nasantuan a kasuratan, estoria, ken dadduma pay a pakaammo a makatulong kenka a mangisuro iti adalen. Ngem masansan a laonen ti adalen ti ad-adu pay a material ngem ti kabaalam nga isuro iti oras a naited kenka. Iti kasta a kasasaad, nasken a pilieim ti material a

kangrunaan a makatulong kadagiti sursuruam. Saludsodem iti bagim, “Ania dagiti doktrina ken pagbatayan iti adalen a mangtulongto kadagiti kameng ti klase a mangsaranget kadagiti pangkarit nga agdama a pakai-paspasanguanda?”

No kasapulam ti material nga awan iti pagbasaan wenno kadagiti nasantuan a kasuratan, ibilang nga aramatem dagiti estoria ken sarita manipud kadagiti *Mensahe ti Umuna a Pangulueng*, *Mensahe ti Isasarungkar a Panangisuro*, ken dagiti magasin iti Simbaan, nangnangruna kadagiti mensahe ti sapa sap a taripnong.

Bayat ti panangikeddengmo no ania ti isuro:

- Sikakararag nga adalen ti linaon ti adalen.
- Mangaramid iti listaan dagiti napatag a doktrina ken pagbatayan a nairaman iti adalen.
- Kanayon a laglagipem dagiti kasapulam ken kabibiag dagiti sursuruam.
- Suroten ti pannarabay ti Espiritu.

Gagangay a kasayaatan nga ipamaysa iti maysa wenno dua a kangrunaan a pagbatayan.

Ikeddengmo No Kasano ti Panangisuro

Kalpasan ti panangikeddengmo no ania ti isuro, nasken nga ikeddengmo no kasano nga isuro daytoy. Adalem ti material ket sikakararag

nga utoben dagiti kasayaatan a wagas a panangidatagmo iti daytoy kadagiti sursuruam. Nasken a makatulong dagiti wagas nga aramatem kadagiti agsursuro nga umawat ken mangipakat iti isursurom.

Siaannad nga adalem dagiti nasantuan a kasuratan, estoria, ken dadduma pay a pakaammo a nailawlawag kadagiti adalen ken iti dadduma pay a nasantuan a kasuratan a mangtulongto kenka a mangisuro iti doktrina wenno pagbatayan. Agsagana a mangtulong kadagiti kameng ti klase a makaawat no kasano a maipakat dagiti nasantuan a kasuratan iti biagda (kitaen ti 1 Nephi 19:23).

Kasta met nga ibilang nga aramatem dagiti estoria ken pagarigan manipud iti bukodmo a biag ken ti biag dagiti kameng ti klase. Kas pagarigan, maysa nga agtutubo ti nangisardeng iti panagsigariliona kalpasan ti maysa a klase ti kinasaserdote maipapan iti Nainsiriban a Balikas a nangilawlawagan ti mannursuro ti padas ti bukodna a kabsat a lalaki iti panangikkatna iti daytoy a bisio. Impakita daytoy a pagarigan a mabalaliwan ti maysa nga agsigsigarilio dagiti bisiona. Ti panangidenggeg iti daytoy nga estoria ti nakatulong iti kameng ti klase a mangikeddeng a mabalinna a balaliwan ti bukodna a biag.

Para iti pakaammo maipanggep kadagiti wagas a panangisuro a makatulong kenka iti panangidatag iti adalen, kitaen ti panid 12–16 iti daytoy a pangianwan.

Mangplano iti Panangigibus

Masansan a ginupgop ti Mangisalakán ti insurona ken inallukoyna dagiti tao a mangipakat iti daytoy iti panagbiagda (kitaen ti pangngarig maipapan iti naimbag a Samaritano, Lucas 10:30–37). Iti gibus ti maysa nga adalen, nasken a subliam nga adalen ken gupgopem no ania ti naisuro. Mangisingasing kadagiti wagas a maipakat dagiti kameng ti klase dagiti doktrina ti ebanghelio wenno pagbatayan, ken awisem ida a mangisingasing iti dadduma pay a wagas. Allukoyem ida a mangpadas iti maysa kadagitoy a kapanunotan bayat ti umay a lawas. Kadagiti maud-udi nga adalen, mabalin a kayatmo a saludsoden ida no ania ti na-

sursuroda manipud kadagiti panagkagumaanda.

Naawis dagiti estudiante iti maysa a klase ti mannursuro a mangipatungpal iti aramid a panagserbi nga awan makaammo iti tunggal aldaw iti uneg ti makalawas. Iti rugi ti sumaruno nga oras ti panagklase, indawat ti mannursuro ti ababa a panagreport. Sigaganetget ti sumagmamano a kameng ti klase a nangibinglay kadagiti padasda ken ti rag-o a nariknada gapu iti panagkalikagumda nga ipakat daytoy nga adalen. Ti nasayaat a sungbat dagitoy a kameng ti klase ti nangparegta kadagiti dadduma tapno mangipaay iti ad-adu pay a panagserbi iti mismo a bagbagida.

Awatem dagiti Sursuruam



Nasken a maawatam dagiti sursuruam. Ibilangmo ti edad ken padas dagiti kameng ti klasem. Agduduma ti kasapulan dagiti tao nga agduduma iti tawen ken agsursuroda iti nadumaduma a wagas.

Dagiti Ubbing

Dumakdakkal dagiti ubbing iti pam-magi, pannakilangen, panagrikna, ken kinaespirituan. Bayat ti panangisaganam iti adalem, laglagipem dagiti talento, kabaelan, ken kasapulan ti tunggal ubing.


Magustuan dagiti ubbing ti panagdumaduma. Agaramatka kadagiti ababa nga estoria, nalaka nga ay-ayam, ladawan, banag nga adalen, ken kanta a mamagtalinaed iti essemda.

Rugrugian pay laeng dagiti ubbing ti agsursuro maipapan iti panangibing-lay, kinamanangngaasi, ken kinaanus. Tulongam ida a mangrimbaw kadagiti pagkurangan kadagitoy a benneg babaen ti a panangipalagipmo kada-kuada iti maipapan iti pagarigan ni Jesus ken panangallukoymo kada-kuada a mangtulad kenkuana.

Mapagtalkan ken mamatpati dagiti ubbing. Mamatida no ania ti isursurom kadakuada. Siputan ken tuladendanto pay ti pagwadam.

Dagiti Agtutubo

No dadduma narikut ken makapakarit ti panawen a nagbaetan ti kinaubing ken kinaagkabannuag. Mabaln nga addaan dagiti kameng ti klase iti adu



a pagrebbengan iti kaamaan, iti pagaldalan, ken iti trabahoda. Mabalin a makatulong kenka dagiti sumaganad a singasing a mangaring kadagiti agtutubo para iti pagsayaatan.

Isagana ti tunggal adalen a mainaig a mismo iti biagda. Tulongan ida a mangammo no kasano a masungbatan ti ebanghelio dagiti saludsodda ken tulongan ida nga agaramid kadagiti nasayaat a pili.

Mabalin a makarikna dagiti agtutubo iti liday wenno saan a panangbigbig iti pategda. Tulongan ti tunggal tao nga agbalin a napateg a paset ti klasem. Ti panagakameng iti ragup nga addaan iti pagrukodan ti ebanghelio ket mangted kadagiti agtutubo iti naespirituan a pigsa ken mangtulong kadakuada a mamagtalinaed iti biagda a natarnaw.

Ipakitam a dayawem ti kapanunotanda. Allukoyem ida a makiraman iti adalen ken paglilinnawagan dagiti kapanunotanda kenka ken iti tunggal maysa.

Dagiti Nataengan

Agduduma ti tawen dagiti kameng ti klase ken addaanda iti nadumaduma a nagtaudan ken padpadas. Aramatem dagitoy a paggigidiatan a pangpasayaat iti klasem. Allukoyem dagiti kameng ti klase a mangibinglay iti pagsiriban a nasursuroda manipud kadagiti padasda. Aramatem dagiti adu a talentoda.

Isurom iti nalaka dagiti kinapudno ti ebanghelio. Makatulongto ti Espiritu Santo kadagiti kameng ti klase a mangawat ken mangipakat kadagiti kinapudno iti mismo a biagda.

Dagiti Gunggona ti Panangisuro



Kas maysa a mannursuro, mapadasam ti ragsak a sumangbay gapu iti panangtulongmo iti dadduma a dumuras iti pannakaammoda iti ebanghelio. Makatulungto kadagiti dadduma ti napasnek ken napudno a panagkagumamano a mangisuro iti ebanghelio tapno mapadur-as dagiti natitibker a pamma-neknek maipapan iti Mangisalakan ken agtungpal kadagiti bilin.

Nagdanag ti maysa a mannursuro iti Pagadalan ti Domingo nga adu dagiti dadduma iti klase ti ad-adda a maikari a mangisuro ngem isuna. Pinanunotna ti panangisurona ket maaddaan iti nasayaat a pangaring wenno epekto iti asino man. Sa iti maysa a Domingo nakisao a sililimed ti maysa a kameng ti klase iti mannursuro (kalpasan ti klase). Kinunana a

gapu kadagiti padas ti asawana [a lalaki] iti Espiritu iti klase, inkumit ti asawana [a lalaki] a tipunen ti kaamaanna a sangkamaysa iti inaldaw para iti sangaamaan a panagkararag. Inkumitna pay nga agsagana a mapan iti templo tapno mailantipda kas maysa a kaamaan. Inyebkas ti kameng klase ti panagayatna ken naan-anay a panagyamanna iti amin a panagkagumaman ti mannursuro a mangawis iti Espiritu iti klaseda. Kalpasanna napno ti puso ti mannursuro iti kinapakumbaba, ken naawatanna ti pudno a panggep ken dagiti gunggona ti panangisuro.

Bayat ti panangisurom, mabendisio-nankanto a kadua dagiti estudiantem. Mapapigsanto ti bukodmo a pannakaammo iti ebanghelio ken pammanek-

nek maipapan iti Mangisalakan bayat ti panangadalmo, panangisaganam ken panangisurom kadagiti adalen iti ebanghelio. Mariknamto ti dakdakkell nga ayat para iti dadduma. Mariknamto ti dakdakkell a panangi-

bukbok ti Espiritu iti biagmo bayat ti sipapakumbaba ken sipapasnek a panangaramatmo iti biagmo ti isursurom. Mapabaknangto ti biagmo babaen ti panagserbim a kas maysa a mannursuro.

Panangimaton iti Panangpalaing iti Mannursuro iti Sanga



Ti panguluen ti sanga ti akinrebbeng iti kalidad ti panangisuro iti sanga.

Dagiti Pagrebbengan ti Agituntunos iti Panangpalaing iti Mannursuro

Iti panagadu ti bilang dagiti kameng ti sanga, awagan ken tudingan ti maysa a kameng ti panguluen ti sanga ti maysa nga agituntunos iti panangpalaing iti mannursuro tapno mangimaton iti panangpalaing iti mannursuro. Mabalina a kabsat a laki wenno kabsat a babai ti agituntunos. Maysa isuna a kameng ti konseho ti sanga ken agserbi a kas paggapuan ti tulong kadagiti dadaulo iti kinasaserdote ken katulungan a

gunglo ken mannursuro iti panagkagumaanda a mangpasayaat iti panangisuro iti ebanghelio. Tulongan ti agituntunos dagiti dadaulo nga agplano ken mangiturong kadagiti taripnong iti panangpalaing iti mannursuro ken, no matudingan, mangisuro iti kurso a Panangisuro iti Ebanghelio.

Suporta a Dadaulo dagiti Mannursuro

Dagiti dadaulo ti kinasaserdote ken katulungan a gunglo ti akinrebbeng iti kalidad ti panangisuro iti ebanghelio iti organisasionda. Isuda ti mangipakita iti pagwadan ti nalaing a panangisuro ken mangtulong kadagiti mannursuro a mangawat iti kina-

pateg iti akemda. Yebkasda ti panag-yamanda ken mangtedda iti tulong ken pammaregta kadagiti mannursuro a pagserbianda. Ti nalaing a panangisuro iti Simbaan ket dumur-as bayat ti panangted dagiti dadaulo iti naayat a suporta ken pammaregta kadagiti mannursuro iti organisasionda.

Dagiti Taripnong iti Panangpalaing iti Mannursuro

Tunggal dadaulo ti kinasaserdote ken katulongan a gunglo ken mannursuro ket masapul a dumar-ay iti taripnong ti panangpalaing iti mannursuro maminsan iti tunggal maikatlo a bulan tapno agsursuro kadagiti pagbatayan, wagas, ken paglaingan a mangpasa-yaat iti panangisuro ti ebanghelio ken panagsursuro. Ti agituntunos iti panangpalaing iti mannursuro ti mangiskediul ken mangplano kadagiti taripnong ti panangpalaing iti mannursuro iti pannakiinnumanna kadagiti dadaulo ti kinasaserdote ken katulongan a gunglo. Nasken a maangay dagiti taripnong kadagiti kanito nga adda panawen dagiti mannursuro ken dadaulo ngem saan a nasken a makadadael iti gagangay nga iskediul ti taripnong iti Domingo. Gagangay a saan nga agpaut dagiti taripnong iti nasursurok ngem maysa nga oras.

Mabalin nga iraman ti taripnong ti panangpalaing iti mannursuro ti:

- Maysa nga ababa a mensahe manipud iti kameng ti panguluen ti sanga wenno dadaulo ti kinasaser-

dote wenno katulongan a gunglo maipanggep iti pagbatayan ti panangisuro wenno panagsursuro.

- Maysa a panangidatag iti wagas ti panangisuro wenno paglaingan ba-baen ti maysa a dadaulo ti kinasaserdote wenno katulongan a gunglo wenno mannursuro.
- Oras para kadagiti mannursuro ken dadaulo nga agbibinninglay kadagiti kapanunotan ken paglilina-wagan dagiti wagas a makatulong kadagiti gagangay a kameng ti klase.

Iti panagdakkel ti bilang dagiti mannursuro ken dadaulo iti sanga, mabalin a maangay ti taripnong ti panangpalaing iti mannursuro tunggal maikatlo a bulan para kadagiti:

- Mannursuro ken dadaulo nga agtawen iti 18 ken natataengan.
- Mannursuro ken dadaulo dagiti kameng nga agtawen iti 12 agingga iti 17.
- Mannursuro ken dadaulo ti Primaria.

Mabalin a mayiskediul dagitoy a taripnong tapno maangay ti maysa kada bulan.

Ti Kurso a Panangisuro iti Ebanghelio

Mangipaay ti kurso a Panangisuro iti Ebanghelio iti pundasion tapno tumulong kadagiti kameng nga agbalin a nalalaing a mannursuro iti ebanghelio iti pagtaenganda ken kadagiti ta-

ripnong ti Simbaan. Masarakan iti panid 28–30 ti balabala ti kurso iti daytoy libro a pangiwawan. Ti agituntunos iti panangpalaing iti man-nursuro ti mangisuro iti kurso malaksid no mangawag ti panguluen ti sanga iti sabali pay a kameng ti sanga a mangisuro iti daytoy.

Awisen ti panguluen ti sanga dagiti kameng a mangala iti kurso. Gagangay nga awan ti nasursurok ngem sangapulo a kameng ti mangala iti kurso iti mammaminsan, a mang-palugod iti tunggal maysa a naan-anay a makiraman.

Balabala iti Panangisuro iti Kurso ti Ebanghelio

Ti Kurso iti Panangisuro iti Ebanghelio ket mangipaay iti gundaway iti amin a kameng ti Simbaan a makasursuro no kasano nga agbalin a nalalaing a man-nursuro. Ti mannursuro iti kurso ti mangituntunos iti panangpalaing iti mannursuro wenno sabali pay nga ad-daan padasna a mannursuro nga ina-wagan ti obispo wenno ti presidente ti sanga. Mabalín a maisuro daytoy a kurso iti oras ti Pagadalan ti Domingo wenno iti sabali pay a nasayaat nga oras. No ang-angayen daytoy a kurso para kadagiti dadaulo ken mannursuro manipud iti naisangayan nga or-ganisasion, mabalín daytoy a maisuro a kas paset ti gagangay a taripnongda iti kinadadaulo. No ti kaadayona wenno dagiti sidadaan a pasilidad ti mamagbalin iti gagangay a pormat ti Pagadalan ti Domingo tapno narigat a surotén, mabalín nga ibilang ti panag-tipon ti panagadal iti pagtaengan ken sumagmamano a taripnong ti klase (sakupen ti tunggal maysa ti sumag-mamano nga adalen).

Maipaay iti daytoy pangiwawan a libro dagiti kapanunotan para iti tunggal adalen. Bayat ti panangisa-gana ti mannursuro iti maysa nga adalen, nasken nga aramatenna dagiti singasing iti benneg a napauluan iti “Agaramat iti Nadumaduma a Wagas iti Panangisuro.” Iti gibus ti tunggal adalen, nasken nga allukoyen ti man-nursuro dagiti kameng ti klase nga aramatenda iti biagda no ania ti na-

sursuroda iti dayta nga aldaw, iti maysa a klase ti Simbaan man wenno iti sardam ti kaamaan iti pagtaengan. Daytoyto ti ad-adda a mangpasantak iti panagdur-asda kas mannursuro. Malaksid iti nadakamaten, nasken a maisuro daytoy a kurso iti uneg ti walo a lawas a mayannurot iti sumaganad nga iskediul. (Nabalabala ti sangapulo-ket-dua a lawas a bersion ti kurso iti libro a *Teaching, No Greater Call* [Panangisuro, Awan ti Nain-indaklan pay nga Akem] ken nasken nga aramaten no adda a magun-od.) Maiturong iti mannursuro ti kurso dagiti naisingsing.

Umuna a Lawas

Ikkan ti tunggal kameng ti klase iti kopia daytoy a libro a pangiwawan, ket sublien nga adalen dagiti lina-onna. Ipamaysa ti adalen iti pakauna ken ti benneg a napauluan iti “Isaganam ti Bagim a Naespirituan.” Yunay-unay ti kinapateg ti panagba-lin a natudingan ken panagtungpal iti ebanghelio tapno maikari a maad-daan iti Espiritu.

Maika-2 a lawas

Ipamaysa iti “Ayatem dagiti Sursuruam,” a masarakan iti benneg a napauluan iti “Mangisuro a kas iti Panangisuro ni Jesus.” Ibatay pay ka-dagiti kababalin ti ragup ti tawen iti panid 21–22 iti daytoy a libro a pa-ngiwawan. Idawat kadagiti kameng

ti klase a mangibinglay kadagiti padas nga adda napintas nga epekto ti pannakaawat wenno panangtulong kadagiti kameng ti kaamaan wenno kameng ti klase a manangipateg. Mabalainmo pay nga ilawlawag no kasano a makatulong dagiti mannursuro ken mangaywan iti tunggal maysa a maibatay iti kasapulanda, nangnangruna dagiti baro a napasurot, saan unay nga aktibo a kameng ti klase, ken dagiti kameng nga addaan iti pagkurangan.

Maika-3 a lawas

Ipamaysa iti “Mangisuro kadagiti Kinapudno ti Ebanghelio,” a masarakan iti benneg a napauluan iti “Mangisuro a kas iti Panangisuro ni Jesus.” Yunay-unay ti kinapateg ti panangisuro iti doktrina a sipupudno, silalawag, ken silalaka, nga aramaten dagiti nasantuan a kasuratan iti panangisuro, ken panangaramid iti plano para iti bukod a panagadal iti ebanghelio.

Maika-4 a lawas

Ipamaysa iti “Mangisuro babaen ti Espiritu,” a masarakan iti benneg a napauluan iti “Mangisuro a kas iti Panangisuro ni Jesus.” Tulongan dagiti kameng ti klase a makarikna a naparegtada tapno maikarida a maaddaan iti Espiritu iti panangisuroda. Tulongan ida a mangsursuro a mangbigbig ken mangsurot iti Espiritu.

Maika-5 a lawas

Ipamaysa iti “Yawis ti Napasnek a Panagsursuro,” a masarakan iti benneg a “Mangisuro a kas iti Panangisuro ni Jesus.” Yunay-unay dagiti naisangayan a wagas tapno makatulong dagiti mannursuro kadagiti sursuruanda nga umawat iti pagrebbenganda a makasursuro iti ebanghelio ken agbiag a naan-anay iti daytoy.

Maika-6 a lawas

Ipamaysa iti “Mangparnuay iti Makaay-ayo a Pagsursuruan,” a masarakan iti benneg a napauluan iti “Mangisuro a kas iti Panangisuro ni Jesus.” Tulongan dagiti kameng ti klase a makaawat no kasano a makatulongda a mangparnuay iti aglawlaw a pakiramanan ken pagtarigagayan ti tunggal maysa a pagadalan.

Maika-7 a lawas

Ipamaysa iti benneg a napauluan iti “Agaramat iti Nadumaduma a Wagas iti Panangisuro.” Ti panangpadur-as iti nasamay nga adalen ket agkasapulan iti panagpanunot ken kinamanagpartuat, ken ti material iti daytoy a benneg ket makatulong unay. Kiddawen kadagiti kameng ti klase a mangiladawan wenno mangibinglayda kadagiti padasda kadagiti wagas iti panangisuro a nailawlawag iti benneg.

Maika-8 a lawas

Ipamaysa iti benneg a napauluan iti “Isaganam ti Adalem.” Tulongam dagiti kameng ti klase a mangawat iti kinapateg ti nasapa a panangirugi a panangisagana iti adalen, ken ilawlawag no kasano a planuen ken idatag dagiti nasamay nga adalen.

Kadagiti maikanatad a puntos bayat ti kurso, mabalinmo a yunay-unay dagiti elemento iti benneg a napauluan iti “Dagiti Gunggona ti Panangisuro.” Idawat kadagiti kameng ti klase a mangibinglayda kadagiti wagas a nakabendisionan dagiti mannursuro iti biagda ken dagiti wagas a nakatulonganda a kas mannursuro kadagiti dadduma.

Kalpasan ti gibus ti kurso, allukoyem dagiti nakiraman nga ituloyda ti dumur-as a kas mannursuro. No

kaaw-awagda laeng a mannursuro iti siled a pagadalan, nasken a makipagkita kadakuada ti dadauloda iti kinasaserdote wenno katulongan a gunglo ket mangted iti ababa nga orientasion ti klase ken dagiti kamengna.

Kalpasan dayta, nasken a masansan nga ireportda ti panagdur-asda ken mangilawlawag kadagiti naisangayan a kasapulan ken pangkarit kadagiti dadauloda iti kinasaserdote wenno katulongan a gunglo. Mabalinda nga awisen ti maysa a dadaulo a sumarungkar iti klaseda ken tulonganna ida iti ania man a wagas. Ti mangituntunos iti panagdur-as ti mannursuro ket maysa nga agtultuloy a paggapuan ti tulong para iti amin a mannursuro—dagiti naawagan a mannursuro iti siled a pagadalan ken dagiti mangisuro iti kaamaanda ken kadagiti pagrebbengan iti kinadadaulo.

Pananggun-od kadagiti Material ti Simbaan ken Panagsapul iti Impormasion iti Pakasaritaan ti Kaamaan

Mabalin a magun-od dagiti lokal a dadaulo ken dadduma a kameng ti kasapulan ti Simbaan, agraman dagiti nasantuan a kasuratan, dagiti kurso nga adalen, magasin ti Simbaan, pagan-anay (garments) ken kawes iti templo manipud iti sentro ti pagiwarwarasan ti Simbaan wenno sentro ti serbisio, manipud iti Salt Lake

Distribution Center, wenno babaen ti naanamongan nga Internet site ti Simbaan, a masarakan iti www.lds.org.

Sidadaan a magun-od ti impormasion maipapan iti pakasaritaan ti kaamaan iti Internet site ti pakasaritaan ti kaamaan ti Simbaan, a masarakan iti www.familysearch.org.

